

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1488/25
Sarajevo, 28.7.2025. godine

Z A P I S N I K
20. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 28.7.2025. godine

Sjednica je počela sa radom u 12 sati i 15 minuta.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio predsjednicu Federacije BiH Lidiju Bradaru, potpredsjednika Federacije BiH Refika Lendu, ministre u Vladi Federacije BiH, delegatkinje i delegate te predstavnike medijskih kuća koji prate rad sjednice.

Izostanak sa sjednice najavili su: Amir Orlović, Svetlana Kamenjaš, Haris Zahiragić, Zora Dujmović, Dragana Damjanović i Slađan Ilić, koji zbog smrti oca nije prisustvovao sjednici.

Prema evidenciji Stručne službe, sjednici prisustvuju 53 delegata, što čini većinu, pa Dom naroda može raditi i punovažno odlučivati.

Predsjedavajući je predložio da se prije prelaska na rad glasa o usvajanju Zapisnika 19. sjednice Doma naroda Parlamenta Federacije BiH.

Na osnovu rezultata glasanja, predsjedavajući je konstatovao da je Dom naroda, sa 55 glasova za, bez glasova protiv i bez uzdržanih glasova, usvojio Zapisnik 19. sjednice Doma naroda Parlamenta Federacije BiH.

Predsjedavajući je prije utvrđivanja dnevnog reda napomenuo delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative.

Emir Dautović postavio je dva pitanja ministru Federalnog ministarstva zdravstva.

Prvo pitanje je vezano uz ispitivanje slučaja smrti mlade majke iz Kaknja koja je bila teški onkološki pacijent.

Drugo pitanje je u vezi sa revidiranja liste onkoloških lijekova.

Fatima Gavrankapetanović-Smailbegović je uputila inicijativu i postavila pitanje ministru Federalnog ministarstva zdravstva.

Inicijativa je vezana uz proširenje i ažuriranje indikacija za onkološke terapije koje refundira Zavod zdravstvenog osiguranja tako da se oformi stručna komisija i u rad komisije uključe klinički onkolozi i stručnjaci iz prakse koji svakodnevno rade sa pacijentima.

Pitanje je u vezi sa revidiranjem liste lijekova za onkološke pacijente.

Aida Obuća postavila je dva pitanja.

Prvo pitanje postavila je Denisu Latiću, direktoru Autocesta Federacije BiH, vezano uz ugovorenu vrijednost radova, rok za njihov završetak, ugovorene dionice izgradnje autoceste na Koridoru Vc Vranduk-Ponirak, razloge za kašnjenje i znatno povećanje cijena radova, obustavljanje izvođenja radova na godinu dana, kao i za osigurana sredstva za završetak radova i uvjete, s obzirom na to da je Fond odustao od daljnjeg finansiranja.

Drugo pitanje postavila je Vladi Federacije BiH i Federalnom ministarstvu finansija u vezi sa usvojenom Odlukom o emisiji obveznica Federacije BiH na međunarodnom finansijskom tržištu.

Vedrana Vujović postavila je dva pitanja.

Prvo pitanje postavila je Federalnom ministarstvu zdravstva, Kliničkom centru Univerziteta u Sarajevu i Federalnom zavodu zdravstvenog osiguranja vezano uz nabavku lijeka, odnosno kapsule koje hematološki pacijenti oboljeli od hronične miloidne leukemije koriste u terapiji.

Drugo pitanje postavila je Federalnom ministarstvu rada i socijalne politike - u kojoj je fazi izrada novog zakona, odnosno izmjena i dopuna postojećeg Zakona o penzijskom i invalidskom osiguranju.

Fahrudin Čolaković postavio je tri pitanja.

Prvo pitanje postavio je Federalnom zavodu PIO vezano za broj penzionera u Federaciji BiH, po godinama u posljednjih deset godina od 2015. do 2025. godine.

Drugo pitanje postavio je Vladi Federacije BiH vezano za air traktore i spremnike za vodu aviona „Air traktora“.

Treće pitanje postavio je Cestama Federacije BiH i Vladi Federacije BiH u vezi sa rješavanjem problema na dionici Čevljanovići - Nišići.

Sanela Klarić postavila je pitanje Vladi Federacije BiH vezano uz Rezoluciju o zaštiti i unapređenju kvaliteta zraka u zatvorenom prostoru Federacije BiH.

Ivan Odak postavio je pitanje predsjednici Federacije BiH i predsjedniku Vlade Federacije BiH vezano uz nabavku kanadera za gašenje požara.

Belma Kapo postavila je dva pitanja.

Prvo pitanje postavila je Federalnom ministarstvu zdravstva u vezi sa slanjem u parlamentarnu proceduru Nacrta Zakona o medicinsko-biohemijskoj djelatnosti.

Drugo pitanje postavila je Vladi Federacije BiH u vezi sa izradom zakona o rijetkim bolestima ili strategije o rijetkim bolestima ili drugog dokumenta o rijetkim bolestima na osnovu kojeg se može dobiti lista lijekova u liječenju rijetkih bolesti.

Vildana Bešlija podnijela je inicijativu Federalnom ministarstvu prometa i komunikacija, Javnom preduzeću Ceste Federacije BiH i Javnom preduzeću Željeznice Federacije BiH, a tiče se unapređenja sigurnosti pješaka na magistralnim i regionalnim cestama, te željezničkim prugama kroz reviziju propisa na entitetskom nivou i njihovo usklađivanje sa kantonalnim regulativama uz primjenu savremenih tehnologija radi zaštite svih učesnika u saobraćaju.

Anto Bilić postavio je pitanje Federalnom ministarstvu kulture i sporta u vezi sa transferom za kulturu od značaja za Federaciju BiH koji se odnosi na kriterije na osnovu kojih su raspođjeljena sredstva, imenovani odbori ili komisije koje su vršile odabir projekata, kao i na zapisnik sa bodovanjima projekata koji su odobreni i koji nisu.

Damir Džeba postavio je pitanje Javnom preduzeću Elektroprivreda d.d. Sarajevo od koje je i tražio dostavu potpunih i preciznih podataka o nacionalnoj strukturi zaposlenih na nivou cijelog preduzeća i zastupljenosti Hrvata među zaposlenicima u njihovim poslovnicama.

Muamer Zukić postavio je dva pitanja.

Prvo pitanje postavio je Kolegiju Doma naroda Parlamenta Federacije BiH u vezi sa evidencijom na sjednicama Doma naroda i prisustvom premijera Federacije BiH.

Drugo pitanje postavio je Javnom preduzeću Elektroprivreda BiH d.o.o. vezano uz poskupljenje električne energije.

Predsjedavajući je obavijestio delegate da je Kolegij na sjednici razmatrao predloženi dnevni red i konstatovao da Predstavnički dom na svojoj sjednici, održanoj 23.jula, nije podržao:

- Prijedlog Zakona o izmjenama i dopunama Zakona o plaćama i drugim naknadama sudija i tužilaca u Federaciji BiH,
- Prijedlog Zakona o izmjeni Zakona o plaćama i naknadama u organima vlasti Federacije BiH,
- Prijedlog Zakona o izmjenama i dopuni Zakona o prodaji stanova na kojima postoji stanarsko pravo,
- Izvještaj o investiranju javnih novčanih sredstava Federacije BiH za period 1.1.2024. - 31.12.2024. godina i
- Imenovanje Javno-žalbenog biroa Federalnog ministarstva unutrašnjih poslova.

Na osnovu rezultata glasanja, predsjedavajući je konstatovao da je Dom naroda, sa 56 glasova za, bez uzdržanih glasova i bez glasova protiv, prihvatio prijedlog Kolegija da se navedene tačke skinu sa dnevnog reda.

Predsjedavajući je obavijestio delegate da je na sjednici Kolegija razmatrana situacija o neprisustvu ovlaštenih predlagača ni na jednoj od tri sjednice klubova naroda održane istog dana i to za: Prijedlog Zakona o izmjeni Zakona o zaštiti od požara i vatrogastva i Prijedlog

Zakona o postupku prijenosa prava vlasništva na nekretninama u vlasništvu Federacije BiH, kantona, gradova i općina na nastradalim područjima.

Predsjedavajući je pozvao predstavnike klubova da se izjasne.

Damir Džeba, predstavnik Kluba hrvatskih delegata, Muamer Zukić, predstavnik Kluba bošnjačkih delegata i Vesna Saradžić, predstavnik Kluba srpskih delegata su se izjasnili.

Predsjedavajući je pozvao predstavnike klubova na kratke konsultacije.

Nakon konsultacija Predsjedavajući je obavijestio delegate da je prijedlog Kolegija da se sa dnevnog reda skinu tačke:

- Prijedlog Zakona o izmjenama Zakona o zaštiti od požara i vatrogastvu i
- Prijedlog Zakona o postupku prijenosa prava vlasništva na nekretninama u vlasništvu Federacije BiH, kantona, gradova i općina na nastradalim područjima.

Na osnovu rezultata glasanja, predsjedavajući je konstatovao da je Dom naroda, sa 58 glasova za, uz tri uzdržana glasa i uz jedan glas protiv, prihvatio prijedlog Kolegija da se navedene tačke skinu sa dnevnog reda.

Nakon toga prešlo se na utvrđivanje dnevnog reda.

Na osnovu rezultata glasanja, predsjedavajući je konstatovao da je Dom naroda, sa 56 glasova za, bez uzdržanih glasova i bez glasova protiv, usvojio sljedeći:

DNEVNI RED

1. Prijedlog Zaključka Komisije za jednakopravnost spolova Doma naroda Parlamenta Federacije BiH,
2. Nacrt Zakona o građanskoj inicijativi i zaštiti građana i aktivista Federacije BiH (predlažai: Sanela Klarić, delegatkinja u Domu naroda i Damir Nikšić, zastupnik u Predstavničkom domu),
3. a) Izvještaj o izvršenju Budžeta Federacije BiH za period 1.1. - 31.12.2023. godine,
b) Izvještaj o izvršenju Budžeta Federacije BiH za period 1.1. - 31.12.2024. godine,
4. a) Izvještaj o zaduženju Federacije BiH na osnovu emisije obaveznica na dan, 18.3.2025. godine,
b) Izvještaj o zaduženju Federacije BiH na osnovu emisije obaveznica na dan, 25.3.2025. godine,
c) Izvještaj o zaduženju Federacije BiH na osnovu emisije obaveznica na dan, 15.4.2025. godine,
d) Izvještaj o zaduženju Federacije BiH na osnovu emisije obaveznica na dan, 6.5.2025. godine,

5. a) Izvještaj o zaduženju Federacije BiH na osnovu emisije trezorskih zapisa na dan, 4.3.2025. godine,
b) Izvještaj o zaduženju Federacije BiH na osnovu emisije trezorskih zapisa na dan, 8.4.2025. godine,
6. a) Izvještaj o zaduženju Federacije BiH na osnovu kratkoročnih kredita komercijalnih banaka na dan, 28.2.2025. godine,
b) Izvještaj o zaduženju Federacije BiH na osnovu kratkoročnih kredita komercijalnih banaka na dan, 31.3.2025. godine.

1. Prijedlog Zaključka Komisije za jednakopravnost spolova Doma naroda Parlamenta Federacije BiH

Tekst Prijedloga Zaključka utvrdila je Vlada Federacije BiH.

Prijedlog Zaključka razmatrala su nadležna radna tijela.

Prijedlog Zaključka obrazložila je Aida Obuća, u ime Komisije za jednakopravnost spolova.

U raspravi su učestvovali Belma Kapo, Tomislav Martinović i Ivana Šaravanja-Zrimšek.

Belma Kapo predložila je dopunu Zaključka.

Predsjedavajući je dao pauzu 15 minuta.

Nakon pauze, Aida Obuća je obavijestila delegate da je Komisija za jednakopravnost spolova podržala Inicijativu Belme Kapo o dopuni Zaključka.

Na osnovu rezultata glasanja, predsjedavajući je konstatovao da je Dom naroda, sa 54 glasa za, bez uzdržanih glasova i bez glasova protiv, prihvatio sljedeći:

Z A K L J U Č A K

1. Dom naroda Parlamenta Federacije BiH podržava Inicijativu Komisije za jednakopravnost spolova Doma naroda za sistemsku uspostavu jednakih prava svih porodilja kroz mogućnost uvođenja pratnje tokom porođaja (porodiljama), tokom cijelog trajanja poroda u svim porodilištima u Federaciji BiH i zadužuje Vladu Federacije i nadležno ministarstvo da u najkraćem roku, a najkasnije za 90 dana izvrše analizu trenutnog stanja i zakonskog okvira i predlože donošenje propisa koji će omogućiti pratnju osobe po izboru porodilje tokom cijelog trajanja poroda i to kao obavezni standard u svim javnim porodilištima u Federaciji BiH.
2. Dom naroda Parlamenta Federacije BiH podržava inicijativu za pravo izbora žena na bezbolan porod, te zadužuje Vladu Federacije BiH i Ministarstvo zdravstva Federacije BiH da izvrši analizu trenutnog stanja i zakonskog okvira i predloži donošenje propisa koji će omogućiti bezbolne porode a sve u roku 90 dana od dana donošenja zaključka.

2. Nacrt Zakona o građanskoj inicijativi i zaštiti građana i aktivista Federacije BiH

Tekst Nacrta Zakona utvrdila je Vlada Federacije BiH.

Predstavnički dom obavijestio je Dom naroda da je na 12. redovnoj sjednici, održanoj 26.6.2024. godine, razmatrao Nacrt Zakona o građanskoj inicijativi i zaštiti građana i aktivista Federacije BiH i Zaključkom ga prihvatio.

Nacrt Zakona razmatrala su nadležna radna tijela.

Nacrt Zakona obrazložila je delegatkinja Sanela Klarić.

U raspravi niko nije učestvovao.

Na osnovu rezultata glasanja, predsjedavajući je konstatovao da Nacrt Zakona o građanskoj inicijativi i zaštiti građana i aktivista Federacije BiH, sa 33 glasa za, uz šest uzdržanih glasova i uz devet glasova protiv, nije dobio potrebnu većinu glasova.

Delegatkinja Sanela Klarić je tražila pojedinačno izjašnjavanje.

Na osnovu rezultata pojedinačnog izjašnjavanja, predsjedavajući je konstatovao da Nacrt Zakona o građanskoj inicijativi i zaštiti građana i aktivista Federacije BiH, sa 29 glasova za, uz 14 uzdržanih glasova i uz 10 glasova protiv, nije dobio potrebnu većinu glasova.

3. a) Izvještaj o izvršenju Budžeta Federacije BiH za period 1.1. - 31.12. 2023. godine b) Izvještaj o izvršenju Budžeta Federacije BiH za period 1.1. - 31.12.2024. godine

Izvještaj o izvršenju Budžeta Federacije BiH dostavila je Vlada Federacije BiH radi usvajanja.

Predstavnički dom obavijestio je Dom naroda da je na 23. redovnoj sjednici, održanoj 23.7.2025. godine, razmatrao i usvojio Izvještaj o izvršenju Budžeta Federacije BiH za period 1.1. - 31.12.2023. godine i Izvještaj o izvršenju Budžeta Federacije BiH za period 1.1. - 31.12.2024. godine.

Izvještaje je obrazložio Mario Glibić, predstavnik Vlade Federacije BiH.

U raspravi je učestvovala Vedrana Vujović.

Na osnovu rezultata glasanja, predsjedavajući je konstatovao da Izvještaj o izvršenju Budžeta Federacije BiH za period 1.1. - 31.12.2023. godine, sa 37 glasova za, uz 10 uzdržanih glasova i uz četiri glasa protiv, nije dobio potrebnu većinu glasova.

Delegatkinja Vesna Saradžić je tražila pojedinačno izjašnjavanje.

Na osnovu rezultata pojedinačnog izjašnjavanja, predsjedavajući je konstatovao da je Dom naroda, sa 41 glasom za, uz šest uzdržanih glasova i uz 10 glasova protiv, usvojio Izvještaj o izvršenju Budžeta Federacije BiH za period 1.1. - 31.12.2023. godine.

Na osnovu rezultata glasanja, predsjedavajući je konstatovao da Izvještaj o izvršenju Budžeta Federacije BiH za period 1.1. - 31.12.2024. godine, sa 39 glasova za, uz šest uzdržanih glasova i uz 10 glasova protiv, nije dobio potrebnu većinu glasova.

Delegat Damir Džeba je zatražio pojedinačno izjašnjavanje.

Na osnovu rezultata pojedinačnog izjašnjavanja, predsjedavajući je konstatovao da je Dom naroda, sa 41 glasom za, uz šest uzdržanih glasova i uz 11 glasova protiv, usvojio Izvještaj o izvršenju Budžeta Federacije BiH za period 1.1. - 31.12.2024. godine.

4. a) **Izvještaj o zaduženju Federacije BiH na osnovu emisije obaveznica na dan, 18.3.2025. godine**
b) **Izvještaj o zaduženju obveznica Federacije BiH na osnovu emisije obaveznica na dan, 25.3.2025. godine**
c) **Izvještaj o zaduženju Federacije BiH na osnovu obaveznica na dan, 15.4.2025. godine**
d) **Izvještaj o zaduženju Federacije BiH na osnovu obaveznica na dan, 6.5.2025. godine**

Vlada Federacije dostavila je Izvještaj Parlamentu Federacije BiH radi informiranja.

Predstavnički dom obavijestio je Dom naroda da je na 23. redovnoj sjednici, održanoj 23.7.2025. godine, razmatrao i primio k znanju izvještaje o zaduženju Federacije BiH na osnovu emisije obaveznica na dane: 18.3.2025.; 25.3.2025.; 15.4.2025. i 6.5.2025. godine.

U raspravi niko nije učestvovao.

Predsjedavajući je konstatovao da je Dom naroda Federacije BiH primio k znanju izvještaje o zaduženju Federacije BiH na osnovu emisije obaveznica na dane: 18.3.2025.; 25.3.2025.; 15.4.2025. i 6.5.2025. godine.

5. a) **Izvještaj o zaduženju Federacije BiH na osnovu emisije trezorskih zapisa na dan, 4.3.2025. godine**
b) **Izvještaj o zaduženju obveznica Federacije BiH na osnovu emisije trezorskih zapisa na dan, 8.4.2025. godine**

Vlada Federacije dostavila je Izvještaj Parlamentu Federacije BiH radi informiranja.

Predstavnički dom obavijestio je Dom naroda da je na 23. redovnoj sjednici, održanoj 23.7.2025. godine, razmatrao i primio k znanju Izvještaj o zaduženju Federacije BiH na osnovu emisije trezorskih zapisa na dan, 4.3.2025. godine i Izvještaj o zaduženju Federacije BiH na osnovu emisije trezorskih zapisa na dan, 8.4.2025. godine.

U raspravi niko nije učestvovao.

Predsjedavajući je konstatovao da je Dom naroda Parlamenta Federacije BiH primio k znanju Izvještaj o zaduženju Federacije BiH na osnovu emisije trezorskih zapisa na dan, 4.3.2025.

godine i Izvještaj o zaduženju Federacije BiH na osnovu emisije trezorskih zapisa na dan, 8.4.2025. godine.

6. a) Izvještaj o zaduženju Federacije BiH na osnovu kratkoročnih kredita komercijalnih banaka na dan, 28.2.2025. godine

b) Izvještaj o zaduženju obveznica Federacije BiH na osnovu kratkoročnih kredita komercijalnih banaka na dan, 31.3.2025. godine

Vlada Federacije dostavila je Izvještaj Parlamentu Federacije BiH radi informiranja.

Predstavnički dom obavijestio je Dom naroda da je na 23. redovnoj sjednici, održanoj 23.7.2025. godine, razmatrao i primio k znanju Izvještaj o zaduženju Federacije BiH na osnovu kratkoročnih kredita komercijalnih banaka na dan, 28.2.2025. godine i Izvještaj o zaduženju Federacije BiH na osnovu kratkoročnih kredita komercijalnih banaka na dan, 31.3.2025. godine.

U raspravi niko nije učestvovao.

Predsjedavajući je konstatovao da je Dom naroda Parlamenta Federacije BiH primio k znanju Izvještaj o zaduženju Federacije BiH na osnovu kratkoročnih kredita komercijalnih banaka na dan, 28.2.2025. godine i Izvještaj o zaduženju Federacije BiH na osnovu kratkoročnih kredita komercijalnih banaka na dan, 31.3.2025. godine.

Sjednica je završila rad u 14 sati i 42 minute.

Transkript sjednice čini sastavni dio Zapisnika.

DRŽAVNA SLUŽBENICA KOJA OBAVLJA
POSLOVE IZ NADLEŽNOSTI SEKRETARA
DOMA NARODA

Aida Hadžić-Salkić

PREDSJEDAVAJUĆI

Tomislav Martinović